

SIARAN MEDIA

MyCC METERAI HUBUNGAN KERJASAMA DENGAN MONASH UNIVERSITY, BRICKFIELDS ASIA COLLEGE DAN MIER

“Perjanjian MoU dapat meningkatkan kesedaran orang awam berhubung peranan MyCC sebagai badan pemantau anti-persaingan”

PUTRAJAYA, 9 DISEMBER 2019 - Suruhanjaya Persaingan Malaysia (MyCC) menandatangani Memorandum Persefahaman (MoU) dengan Monash University Malaysia, Brickfields Asia College (BAC) dan Institut Penyelidikan Ekonomi Malaysia (MIER) di Majlis Perhimpunan Bulanan Kementerian Perdagangan Dalam Negeri dan Hal Ehwal Pengguna (KPDNHEP) pada hari ini.

Pemeteraian MoU ini dijangka dapat membangunkan aktiviti pendidikan, penyelidikan dan program-program advokasi MyCC, di samping memperkasa pelaksanaan Akta Persaingan 2010 dengan lebih berkesan dalam melindungi proses persaingan yang sihat kepada perniagaan dan pengguna.

“Tujuan utama MoU ini adalah untuk memastikan modul undang-undang persaingan dibangunkan di BAC dan Monash University. Selain itu, ia juga sebagai salah satu platform kepada pelajar dari kedua-dua institusi pengajian tinggi ini mendapat peluang latihan industri di MyCC. Ia diharap dapat melahirkan lebih ramai pakar dalam bidang persaingan di Malaysia”, ujar En. Iskandar Ismail, Ketua Pegawai Eksekutif MyCC.

“Sementara itu, perjanjian MyCC dan MIER pula dilihat memberi ruang kepada kedua-dua agensi untuk berkongsi kepakaran dalam bidang kajian berkaitan ekonomi dan pembangunan dasar kepada kerajaan”, tambah beliau lagi.

Majlis menandatangani perjanjian MoU diadakan di antara YBhg. Dato’ Seri Mohd Hishamudin Md Yunus, Pengerusi MyCC bersama Encik Raja Singham, Pengasas dan Pengarah Urusan BAC, Professor Andrew Walker, Presiden dan Pro-Naib Canselor Monash University dan Ybhg. Tan Sri Datuk Dr Kamal Salih, Pengerusi MIER, sambil disaksikan oleh YB Datuk Seri Saifuddin Nasution Ismail, Menteri di Kementerian Perdagangan Dalam Negeri dan Hal Ehwal Pengguna (KPDNHEP) dan Ybhg. Datuk Muez Abdul Aziz Ketua Setiausaha KPDNHEP.

Dengan termeterainya tiga (3) MoU ini, MyCC telah memuktamadkan 13 MoU kesemuanya. Sebanyak 10 institusi pelajaran dan 3 agensi kerajaan telah menjadi rakan strategik MyCC.

##

Untuk pertanyaan media, hubungi:

DZUL AFFANDI MAT NOOR

Ketua Bahagian Komunikasi dan Advokasi

Suruhanjaya Persaingan Malaysia

No. Tel: +603 2273 2277 (ext. 111)

Emel: dzul@mycc.gov.my

Mengenai MyCC

Ditubuhkan pada April 2011, Suruhanjaya Persaingan adalah badan bebas yang bertanggungjawab dalam menguatkuasakan Akta Persaingan 2010 dalam usaha untuk menggalakkan persaingan sihat dan seterusnya merangsang produktiviti dan inovasi yang lebih banyak kepada pengguna dengan kualiti yang lebih baik pada harga yang berpatutan.

Akta ini digunapakai kepada semua aktiviti komersil dalam dan luar negara yang boleh menjejaskan persaingan pasaran Malaysia. Ia memberikan satu rangka kerja kawalan termasuk kuasa menyiasat, menghakimi dan mengenakan penalti kepada pesalah undang-undang persaingan.

Maklumat lanjut mengenai Akta dan Suruhanjaya Persaingan, layari laman sesawang www.mycc.gov.my.